

ԿՈՍՏԱՆԴՆՈՒԹՈՒԼՍԻ ՊԱՏՐԻԱՐԺ ՆԻԿՈՂԱՅՈՍ ՄԻՍՏԻԿՈՍԻ
101-ՐԴ ԵՎ 139-ՐԴ ԹՂԹԵՐԸ՝ ՈՒՂՂՎԱԾ ՀՈՎՀԱՆՆԵՍ
ԴՐԱՍԽԱՆԱԿԵՐՏՑՈՒՆ ԵՎ ՍՄՐԱՏ Ա ԹԱԳԱՎՈՐԻՆ

Հ. Մ. ԲԱՐԹԻԿՅԱՆ

Բյուզանդադիտական միջադարձին «Byzantion» հանդեսի վերջին համարներից մեկում լույս տեսավ Խ. Զենկինգի մի հոդվածը, նվիրված Կոստանդնուպոլսի պատրիարք Նիկողայոս Միստիկոսի (901—907, 912—925 թթ.) 101-րդ թղթին¹, որի հասցեատերը չի հիշատակված:

Զենկինգը, մանրամասն ուսումնասիրության ենթարկելով նամակի բովանդակությունը, դրսևում է, որ նամակի ամենահնարավոր հասցեատերերն են հայոց Աշոտ Բ թագավորը և նշանավոր պատմաբան, հայոց կաթողիկոս Հովհաննես Դրասխանակերտցին: Նա միաժամանակ ցույց է տալիս, որ Նիկողայոս Միստիկոսի ուղարկած պատմուճանը, որի մասին հիշատակություն կա նամակում, հայոց թագավորի պաշտոնական ճանաչման ապացույց է: Զենկինգը ցույց է տալիս, որ եթե Նիկողայոս Միստիկոսի 101-րդ թղթի հասցեատեր համարենք հայոց Աշոտ Բ թագավորին և հայոց կաթողիկոսին, ապա նամակում հիշված պարագաները միանգամայն հասկանալի կդառնան: Աշոտ Բ-ը, դրում է Զենկինգը, դահի վրա հաջորդեց իր հորը՝ Սմբատին, արարների կողմից վերջինիս սպանությունից հետո, 912 թ. (ավելի ճիշտ՝ 913 թ.): Աշոտի հայոց դահր բարձրանալուց հետո էլ երկիրը հեղեղված էր արարների կողմից: Ի վիճակի չլինելով միայնակ ղուլս բերել երկիրը արարներից մաքրելու դործը, Աշոտը ստիպված էր դիմելու Բյուզանդիային: Պետք է ասել, սակայն, որ նախքան Աշոտ Բ-ը, Սմբատը ևս կանոնավորել էր իր փոխհարաբերությունները Բյուզանդիայի հետ՝ դեռևս Լևոն կայսեր ժամանակ (836—912 թթ.): «Թագաւորն Հոռոմոց Լևոն — որում է Հովհաննես Դրասխանակերտցին, — ոչինչ սակաւ նախախնամէր դարձայ Սմբատ իրրև պորդի սիրելի անքակութեամբ ընդ նմա բերելով յուխտ միարունական սիրոյ, և բազում ընծայ: և պարդևս և պատիւս ամ յամէ առաքէր: Իսկ և Սմբատ ի շնորհակալութիւն բարերարութեանն արքայի Հոռոմոց առատաձիւր պարդևօք հատուցանէր զդարձ փոխարինին տասնապատիկ յաւելուածով իրրև վեհադունի քան զինքն և հօր հարադատի»²: Դրասխանակերտցին հիշատակում է նաև, որ Բյուզանդական Լևոն կայսրը Սմբատին ռազմական օգնություն ցույց տալու փորձ էլ է կատարել: Նա դրում է, որ արքայն Հոռոմոց Բարսեղ³ իրրև լուաւ զայս ոճիրս շարի զմեօք մածնալ՝ բազում զօրու հորդան տուեալ զալ յօղնակասութիւն Սմբատայ՝ յանկարծակի ժամանեալ նմա ելք հասարակաց կենաց մարդկան և վախճանեալ, թագաւորէ ընդ նորա եղբայր նորուն Աղէքսանդր: և ապա շփոթ աղմկի զնովաւ շուրջ պատեալ յապստամբողաց արանց՝ և նա ևս ոչ կարաց ժամանել յօղնականութիւն»⁴:

¹ R. J. H. Jenkins, Letter 101 of the Patriarche Nicolas Mysticus, Byzantion t. XXXI (1961), fasc. I, էջ 73—80: Այդ թուղթը նույն պատրիարքի բաղմաթիվ այլ թղթերի հետ միասին հրատարակել է նախ Անդելո Մաին, և իր նշանավոր «Հայրաբանություն» մեջ վերահրատարակել Մինյը. տե՛ս A. Mai, Spicilegium Romanum, X, էջ 161—440 և Nicolai Constantinopolitani archiepiscopi Epistolae, Migne, Patrologia graeca, t. CXI, էջ 28—392:

² «Հովհաննես կաթողիկոսի Դրասխանակերտցու Պատմութիւն Հայոց», Թիֆլիս, 1912, էջ 199—200:

³ Դրասխանակերտցին նրան սխալմամբ անվանում է Բարսեղ, ըստ երևույթին շփոթելով Բարսեղ — թագավոր րաոր Վասիլիոս-Բարսեղ (ՆՅՄԱՆՆՅԱՆ) անվան հետ: Այդ շրջանում Բարսեղ անունով կայսր չի եղել: Բարսեղ Ա-ը մահացել է 886 թ., իսկ Բարսեղ Բ-ը թագավորել է 976—1025 թթ.: Աղէքսանդրը իսկապես Լևոնի եղբայրն էր և միանձնյա թագավորեց 912 թ. մայիսի 11-ից մինչև 913 թ. հունիսի 6-ը:

⁴ Հովհաննես Դրասխանակերտցի, էջ 233:

Վերևում ասվածը վկայում է այն մասին, որ Բյուզանդիան շտապել էր օգտվել Անդրկովկասում ստեղծված խառը վիճակից, հանդես գալով Անդրկովկասը արարների լծից ազատագրելու քողի տակ, բայց փաստորեն դա հետագայում լայն ծավալ ստացած նրա ագրեսիվ քաղաքականությունից սկիզբն էր:

Բյուզանդիայի էքսպանսիոնիստական քաղաքականության մեջ մեծ դեր էր խաղում ժամանակի պատրիարք Նիկողայոս Միստիկոսի նախնական էր դրել հայոց կաթողիկոսին, որն այն ժամանակ, բանտից ազատվելով, արարների հալածանքներից ապաստան էր գտել վրաց թագավոր Ատրենբրսեհի մոտ, Գուգարքում: Հայն պատրիարքը խոստանում էր Հովհաննես Դրասխանակերտցուն, որ «ինքնակալ և աստուածապսակեալ թաղաւորս մեր ի դէպ ժամանակի պիտոյից առաքեսցէ զօր բաղում յօգնականութիւն ձեզ. զի և կուրապաղատոյ և՛ և աւագն Ափխազաց և իշխանքս մեծամեծք Հայոց միարանեալք մերոյն զօրաց՝ մեծաւ օղնականութեամբն Աստուծոյ և ձերով մեծ քահանայադործութեամբդ պատերազմեալ ընդ թշնամիսն կարծեցեալ կորստեան արքանեկին սաստանայի՝ վերադոյն դոցին»⁵:

Հովհաննես Դրասխանակերտցին որոշ ժամանակ անց նամակ է հղում բյուզանդական կայսր-կոստանդին Միքանածինին, որտեղ ի միջի այլոց գրում է հետևյալը. «Ահա հասեալ կամ աւագրունս հօրագունիցդ և վեհագունից, ինքնակալ թագաւորացդ ի հեռաստանէ աստի խնդրել ողորմութիւն ի բարեպաշտիկ և ի ներողամիտ խնամածութենէդ ձերմէ՝ ոչ միայն ինձ, այլ և բոլոր Առաքանագեանս դրոհի», «լուծէր զլուծ ի պարանոցէ մերմէ, որ ի ձեռն բռնակալիս այսմիկ ծանրացաւ մինչև ի մահ...»⁶: Օղնականութեամբ ձերով մեծաւ և փառօք և շնորհօք պատրաստեսցուր, զՀայաստանեայցս ժողովուրդս:

914 թ. ամռանը բանակցություններ վարելու համար Կոստանդնուպոլիս գնաց Աշոտ Բ-ը⁷. Նա այնտեղ ընդունվեց մեծ պատիվներով և 915 թ. օղնական զորք ստանալով եկավ Հայաստան: «Կայսր Կոստանդին... — գրում է Դրասխանակերտցին, — բազում զօրավարս և զօրս Հռովմայեցիս ի ձեռն նորա դումարեալ յուղարկէ յիրակաւն աշխարհս»⁸: Ահա ամենայն հավանականությամբ այս օղնությունը տալով, Բյուզանդիան ուզեց ոտք դնել Հայաստան և այս անգամ տիրել նրան իրականորեն և ոչ ձևականորեն: Նիկողայոս Միստիկոսի 101-րդ նամակից կարելի է հանդիսվել այդ եղրակացության:

101-րդ նամակի հասցեատերը ամենայն հավանականությամբ միմիայն Հովհաննես Դրասխանակերտցին է և ոչ Աշոտ Բ-ը, ինչպես կարծում է Ջենկինզը, Նիկողայոսը պատմուհան է ուղարկել ոչ թե հայոց թագավորին, ինչպես ենթադրում է նա, այլ հայոց կաթողիկոսին¹⁰: Նամակից երևում է, որ Աշոտը հետամտել է իր՝ որպես թագավորի ճանաչումը Բյուզանդիայի կողմից և կայսրությունը ընդառաջ է դնացել նրան: «Մեծ և աստվածապսակալ կայսրը, — գրում է բյուզանդական պատրիարքը հայոց կաթողիկոսին, — ձեր խնդիրին ուշի ուշով ունկնդիր լինելով, ընդառաջ գնաց և հաստատումն ու պատիվը, որ մեծ ցանկություն ունեցավ ստանալու նա, ում վրատաճված է ձեր իշխանությունը»¹¹, տվեց: Նամակի վերջում նույնպես գրված է՝ «Նա. ում վիճակվել է ձեր իշխանությունը»¹²: Թվում է, որ այստեղ օգնարկվում է հայոց թագավոր Աշոտի դահրաճանալը: Այդ պատճառով այս նամակը պետք է որ գրված լինի 914—915 թթ. ընթացքում, ավելի ճիշտ՝ 915 թ. Աշոտ Բ-ի Կոստանդնուպոլիսից բյուզանդական ուժով վերադառնալուց անմիջապես հետո: Ջենկինզը նամակը թվագրում է շուրջ 922 թ., որ միանգամայն անհամոզեցուցիչ

⁵ Նույն տեղում, էջ 268:

⁶ Նույն տեղում, էջ 280:

⁷ Նույն տեղում, էջ 282:

⁸ Նույն տեղում, էջ 285: Աշոտ Բ-ի Կոստանդնուպոլիս գնալու մասին հիշատակում է նաև Թեոփանեսի Շարունակողը՝ Տեփան Theophanes Continuatus, Bonnae, 1838, էջ 387:

⁹ Հովհաննես Դրասխանակերտցի, էջ 292—293:

¹⁰ Դենես 900 թ. վերապատկանի ամիրա Յուսուֆ Դրասխանակերտցուն նամակն զգեստ էր ուղարկել. «Բայց եւ ես եւս, որ զայս գրեցի պատուեցայ պատուսիրտաբար յոստիկանէն զգեստուր ըստ օրինի կարգիս»։ Դրասխանակերտցի, էջ 198:

¹¹ Բնագրում օ տչս նյւթεբսν αργχγν πεπιστευμένους:

¹² Բնագրում չէւ ասս αργχγν նյւսν λειχένους: Այս և նախորդ գծադրում ականարկվում է չքաղա-ր, այսինքն արչաց ասս արչոյ-տս իշխանաց թշխանր, ինչպես անվանում էին բյուզանդացիները հայոց թագավորին:

4, ինչպես կտեսնենք ստորև, 922 թ. հայ-բյուզանդական փոխհարաբերությունները արտակարգ սրված էին և նման նամակ 922 թ. գրվել չէր կարող:

Ավելի բարդ է 139-րդ նամակի հարցը: Այն ունի հասցեատեր, նա կոչվում է «իշխանաց իշխան», մի տերմին, որի տակ ենթադրվում է հայոց թագավորը: Բայց երբ է այն գրվել և ո՞ւմ է հասցեագրված: Ջենկինզը 139-րդ նամակը նմանապես թվագրում է շուրջ 922 թ. և հարցի վերջնական լուծումը թողնում է հայ մասնագետներին: Ինչ վերաբերում է բյուզանդագետ Դրյումելին, ապա նա գտնում է, որ այն գրված է Աշոտ Բ-ին՝ Հովհաննես Դրասխանակերտցու մահվան տարին՝ 924—925 թթ.¹³: Նամակում հիշվում է նոր մահացած կաթողիկոսը, որի տակ ենթադրվում է Հովհաննես Դրասխանակերտցին: Բայց վերջինս մահացավ 929 թ.¹⁴: Նիկողայոս Միստիկոսը մահացել է 925 թ., հետևարար նա չէր կարող հիշատակել Դրասխանակերտցու մահվան մասին: Եթե նույնիսկ ընդունենք Դրասխանակերտցու մահվան մասին հայկական աղբյուրներում նշված ամենավաղ թվականը՝ 926, ապա դարձյալ անհնարին է նման հարցադրումը:

139-րդ նամակից պարզ երևում է, որ Հայաստանը գտնվում է անելանելի վիճակում: Եթե Հայաստանը նման դժվարին վիճակում չլիներ, ապա հույն պատրիարքը հայոց թագավորին գրած նամակում չէր համարձակվի երկարակությունը համարել «ավելի լավը», իսկ հայոց միաբնակությունը քողարկված ձևով անլանել «հին չարափառություն» (αρχαία κακότητα), «կեղծիք» (παιδαγ): Եթե Հայաստանը անելանելի վիճակում չլիներ, հայոց արքան երբեք չէր համաձայնվի, թեկուզ առերես, որ հայոց կաթողիկոսը օծվի Կոստանդնուպոլսում երկարակ պատրիարքի կոչմից:

Բյուզանդիային՝ Հայաստանի վրա գերիշխանությունը տարածելու որոշ հույսեր ներշնչել էին և՛ հայոց թագավորը, և՛ հայոց կաթողիկոսը: Վերջիններս, իհարկե, ստիպված էին պարզապես խաբել կայսրությանը, իրենց դժվարին վիճակից դուրս գալու համար օգնություն ստանալու ակնկալությամբ: Բայց փաստը մնում է փաստ, որ Հովհաննես Դրասխանակերտցին Կոստանդին կայսեր դրած նամակում այդպիսի ակնարկներ արել է. «Այլև զկայանս հանգստեան կենաց խաղաղականաց ընձեռել իմոցս ըստ օգոստական պերճ և պանծալի հզոր թագաւորութեանդ, զր քերես յ՛ւճմալ լիականսց աստի արտաճա գերեւալ և ի հովանի յեռոց ամրացեալ և առկայացեալ՝ արածեսցուք որ ի մեզ հօտս է Աստուծոյ... Եւ օգնականութեամբ ձերով մեծաւ և փառօք և շնորհօք պատրաստեսցուք զՀայաստանեայցս ժողովորդ՝ կազմեալ նախ Տեսուն և ապա ձեզ կամօքն Աստուծոյ»¹⁵: Կաթողիկոսը պարզապես հուշում է, որ արարներին դուրս վտարելու գնով Հայաստանը համաձայն է մտնելու Բյուզանդիայի հովանու, այսինքն գերիշխանության տակ:

Նման ակնարկի մենք հանդիպում ենք նույն նամակի մի ուրիշ տեղում ևս: «Եւ աղաչեմ գտոյն,— գրում է Հովհաննես Դրասխանակերտցին,— զի իմաստութեամբ և բարութեամբ շնչոյ չերոյ համբարձչիք զձեռս ձեր ի վերայ ամբարստաւանութեան թշնամոյն մինչև իսպառ և փրկեսցի՛մ զվիճակ մառանգութեան ձերոյ»:

924—925 թթ. Հայաստանի վիճակը միանգամայն այլ էր: Արաբական վտանգը արդեն երկրից վերանում էր: Յուսուֆի փոխարեն խալիֆայությունը Հայաստան էր ուղարկել մի նոր ոստիկան՝ Որուկին: Այդ մասին Դրասխանակերտցին գրում է. «Յամիրապետէն իսկ փոխանակ Յուսուֆ աստիկան հաստատեցաւ: Եւ ապա նա ևս առաւել քան զՅուսուֆ ըստ նմին սակի դնէր ուխտ միաբանական խաղաղութեան ընդ Աշոտի, և Շահանշահ զնա անուանէր»¹⁶, այսինքն մնացյալ հայ թագավորների ավագը՝ Ծիշտ է, Յուսուֆից հետո էլ արաբական առանձին ամիրաների ասպատակություններ Հայաստանում եղել են, բայց Հայաստանը այն ժամանակ այնքան էլ անօգնական չէր: Հենց ինքը, Յուսուֆ ամիրան, ով Հայաստանի ու՜ ու սարսափն էր դարձել X դարի առաջին երկու տասնամյակների ընթացքում, այժմ միանգամայն այլ դիրք էր բռնել: Նա նույնիսկ թագաւորակեց Աշոտ Բ-ին¹⁷, իր իսկ կողմից սպանված Սմբատ թագավորի որդուն: Այսպիսի պայմաններում հայոց արքան դժվար թե այնքան ստորանար, որ Բյուզանդիայից որևէ օգնություն ստանալու ակնկալությամբ համաձայնվեր, որ հայոց կաթողիկոսը օծվեր Կոստանդնուպոլսում, համաձայնվեր ընդունել և Հայաստանում տարածել քաղկեդոնականությունը, ինչպես այդ մասին սրում է Նիկողայոս Միստիկոսը իր այս նամակում:

922 կամ 924—925 թվականով թվագրել 139-րդ նամակը միանգամայն սխալ է նաև հետևյալ պատճառով: Այդ ժամանակաշրջանում հայ-բյուզանդական հարաբերությունները չափից ավելի

¹³ Grumel, Les Regestes, № 717, էջ 197—198.

¹⁴ Մ. Օրմանյան, Ազգապատում, հատ. I, սյունակ 1064.

¹⁵ Դրասխանակերտցի, էջ 282.

¹⁶ Նույն տեղում, էջ 315.

¹⁷ Դրասխանակերտցի, էջ 300.

սրվել էին: Հայերը այն ժամանակ ոչ թե Բյուզանդիայից էին օգնություն հայցում, այլ ընդհակառակը՝ արար ամիրաններից և այդ օգնությունը օգտագործում էին հենց բյուզանդական կայսրության դեմ: Այդ կապակցությամբ շատ արժեքավոր տվյալներ ունի Ստեփանոս Տարոնացին: Նա ցույց է տալիս, որ բյուզանդական Ռոմանոս կայսրը իր թագավորության երկրորդ տարին «զուամարեաց զօր րազում և դեմեսլիկոս առաքեաց ի Դուին քաղաք, յորում էր Սպարի ամիրայ, որ զԱշոտն Շահանշահ օգնական իւր արկ ի քաղաքն: Եւ եկեալ զօրն Յունաց՝ պաշարեցին զԴուին և ոչ կարացեալ ստնանել դարձան՝ անդրէն»¹⁸:

Ռոմանոսի թագավորության երկրորդ տարին դա 922 թ. է: Հետևաբար այդ ժամանակաշրջանում հայ-բյուզանդական հարաբերությունները արդեն սրված էին:

Կայսրությանը դիմել նման բովանդակությամբ նամակով հայոց թագավորը կարող էր, այն է՝ առերես. միայն և միայն Հայաստանի համար ամենադժվարին պահին, այն է՝ 913 թ.:

Սակայն ինչպե՞ս համաձայնեցնենք Նիկողայոս Միստիկոսի նամակում հիշատակված կաթողիկոսի մահը 913 թ. հետ: Ինչպես ասվեց, Դրասխանակերտցին աթոռակալել է 898 թ. և մահացել 929 թ.: Այդ ժամանակաշրջանի ընթացքում ոչ մի այլ կաթողիկոս չի աթոռակալել: Դրան առայժմ կարող ենք տալ միայն հետևյալ բացատրությունը:

909—910 թթ. Հայաստանի վրա սարսափ էր տարածել Յուսուֆ ուստիկանը: Ամբողջ երկիրը հրի ու սրի էր մատնվում նրա կողմից: Հովհաննես Դրասխանակերտցի կաթողիկոսը՝ թանկագին ռնձաներով ու գանձերով ուզեց դրա առաջն առնել, բայց արդյունքը եղավ այն, որ ինքը՝ կաթողիկոսը, ընկավ Յուսուֆի ձեռքը և բանտ նետվեց: Ինչպես ինքն է գրում այդ կապակցությամբ, «չարաչար ըստ մեղաց իմոց կապեցայ»¹⁹: Յուսուֆը կաթողիկոսին մի բանտից մյուսն է նետում և հետագայում բանտարկում Դվինում. «Իսկ զիս արգելեսլ ի քաղաքն Դվին,— գրում է նա,— ի մետաղս բանտից և երկաթի կապսրանաց՝ կրեցի ալնուհետև ի դահճաց անտի մահաճուռ իմն լուտանօք զանս և բանտս և գելարանս և արգելարսնս ի իսաարշտին տեղոջ և յանձուկ վայրս. այլ և ի վիրապս և ի վիհս խորոց ընկեցայ սաստիկ և դառն կտտանօք»²⁰:

Հովհաննես Դրասխանակերտցու հետ միասին բանտ էին նետվել նաև րազում հայ նախարարներ և իշխաններ: «Զի որք երբեմն ի բարձրագոյն աստիճանս նստէին,— գրում է հայոց կաթողիկոսը,— և ի խարանս պետականս վերամբարձ ճոխանային, սրդ աւաղիկ խարդաւանեալք զիրադաւ եղեն և պարտաւորք մահուն տուգանաց ի շար ուստիկանէն: Վասնզի զոմանս և ի մետաղս բանտից բերեալ՝ տակաւին դատէր սրով և սովով և զանիւ. իսկ զոմանս, զոր և պատուաւորս առ ի յինքենէ թուեցուցանէր տեսողացն՝ զնոսա ի ծածուկ խարդաւանէր մահու պարտաւորութեամբ»²¹:

Մահապատժի են ենթարկվում ուրիշ շատերի շարքում և Սմբատ թագավորի բազմաթիվ ազականներ՝ Սմբատ թագավորի քեռորդի Դրիդորը, որդին՝ Մուշեղը, եղբորորդին՝ Սմբատը և շատ ուրիշներ: Ահա նման պայմաններում Սմբատ թագավորը, ըստ երևույթին, հույսը կորած պիտի լիներ, թե Հովհաննես կաթողիկոսը կարող է արարների ձեռքից ազատվել: Հովհաննես Դրասխանակերտցու երկարատև բանտարկությունը հավանաբար հարկ է բարձրացրել նոր կաթողիկոսի ընտրության մասին: Գուցե վերջին հանգամանքը Սմբատ թագավորը ցանկացել է օգտագործել Բյուզանդիայից որևէ օգնություն ստանալու համար, ձևականորեն առաջարկելով Բյուզանդիային, որ նոր կաթողիկոսը օծվի Կոստանդնուպոլսում: Դրա համար Նիկողայոս Միստիկոսի 139-րդ նամակը պետք է, ըստ երևույթին, թվագրել 912—913 թթ. և այն պետք է ուղարկված լինի ոչ թե Աշոտ Բ-ին, այլ նրա հորը՝ Սմբատ թագավորին:

Ստորև տալիս ենք Նիկողայոս Միստիկոս պատրիարքի երկու նամակների լրիվ թարգմանությունը:

ԹԻՒՂԹ 101

Նրախտապարտ բարեկամները կամ ծառաները. երբ արժանանում են որևէ մեկի բարեգործությանը, չանք են թափում, որ նույն ձևով փոխհատույց լինեն բարերարներին: Այդ փոխհատույցումը արտահայտվում է այն բանում, որ նրանք պատրաստակամություն են հայտնում կատարելու բարերարների ցանկությունները: Տեսնում ես, որդի մեր, որ քեզ ցույց տրվեց աստվա-

¹⁸ «Ստեփանոսի Տարոնացույ Ասողկան Պատմութիւն Տիեզերական», Ս.-Պետերբուրգ, 1885, էջ 170:

¹⁹ Դրասխանակերտցի, էջ 212:

²⁰ Նույն տեղում, էջ 215:

²¹ Նույն տեղում, էջ 224:

Հապսակյալ կայսեր բարեգործությունը, որի մեծությունը, թող մենք չասենք, համենայն դեպս դու շատ լավ պատկերացնում ես: Արդ, քեզ է մնում, որ ամեն ինչում պատրաստակամություն հայտնես նրա մեծությանը ցուցաբերելու քո ծառայությունները, ծառայություններ, որ նա կպահանջի և դրանով իսկ ապացուցես, որ արժանի ես բարեգործության, իսկ մենք էլ մեզ բավարարված կղղանք, որ դարձանք նման մի մարդու միջնորդը: Մեր մեծ և վսեմ կայսրը ուրախ է տեսնելով, որ դու արժանի ես նման պատվին, որ դիտակցում ես (նրա) բարեգործությունը, և դու, ինչպես սուսացի, թող գիտակցող լինես նրա հրամանները կատարելու պատվին արժանանալով: Թող տերը քեզ ողջ պահի: Որպես օրհնություն քեզ ուղարկեցի պատմուճան: Մեծ և աստվածապսակյալ կայսրը ձեր խնդիրքին ուշի ուշով ունկնդիր լինելով, ընդառաջ դնաց և հաստատում ու պատիվը, որը մեծ ցանկություն ունեցավ ստանալու նա, ում վստահված է ձեր իշխանությունը, ավելցի Ահա այս (բոլորը) կատարվեց կայսեր կողմից ձեզ համար: Ձեր կատարելությունը պետք է պատկերացնի բարեգործության չափը և այդ իսկ պատճառով պատվի բարերարին: Էլ ի՞նչ այլ պատիվ է ակնկալում բարերարը, քան այն, որ իր բարեգործությանն արժանացողը ամեն ինչում ցուցաբերի իր բարեհաճությունը և ջանա ամեն կերպ համամիտ լինել նրան և կատարի նրա կամքը: Մենք կարիք չենք զգում երկար խոսելու: Բավական է, որ և քո կատարելությունը և նա, ում վիճակվել է ձեր իշխանությունը, բարեհաճ լինեն վերահիշյալ հարցերում և դառնան իսկական բարկամներ: Ներկա և ապապս սերունդներին ցույց տաք ձեր եղբայրացիությունը, դուք, բարեգործության արժանացողներդ, իսկական հավատարմության օրինակ ցույց տաք:

ԹՈՒՂԹ 139

Իշխանաց իշխանին

Բարեպաշտությունից ավելի ցանկալի կամ մարդկային կյանքում ավելի փրկարար բան չկա: Նրա ներկայությունը վկայությունն է այն բանի, որ պաշտվում է աստված: Իսկ աստվածապաշտությունը տալիս է ամեն մի բարիք և օգուտ, նա վանում է առկա ամեն մի վնասակար բան: Այդ ձևով և յուրաքանչյուր անհատը երանելի կյանք կունենա, ապա նաև երանելի կյանք և վիճակ կունենա (յուրաքանչյուր) տուն, քաղաք, նաև ժողովուրդ: Հակառակ այն բանի, որ իրականությունն այդպիսին է, շատերը կառչում են իրենց սեփական դավանանքից, համարելով այն բարեպաշտ, հատկապես եթե նրանք այդ հարցում նախապաշարված են. քանզի նախապաշարումը շատ ամուր է պահում հոգու մեջ դողման, նույնիսկ այն դեպքում, երբ այդ (դողման) ամենավատերից է ու կորստյան առաջնորդողներից: Ինչպես օրինակ՝ որևէ լավ ներկված (կտոր) նույնիսկ բաղմիցս ջրի մեջ դնես, իր դույնը չի գցում, դեռ ավելին, ավելի շուտ պատռվում է, քան դույնն է պցում, ահա մարդկային բնությունն էլ նման մի բան է: Ովքեր իրենց հոգում չար դավանանք են ընդունել, ահա նրանք ոչ հրաժարվում են նրանից, ոչ էլ ուղղում են ընդունել ավելի լավ դավանանք, այլ դերադասում են մինչև իրենց կյանքի վերջը (այդպես մնալ): Այդ նրանք են, ովքեր զրկված են աստվածայինը ճանաչելու հատկությունից, ովքեր չեն ցանկանում բարու ընտրությունը կատարել, այլ համառորեն մնում են իրենց նախապաշարմունքի մեջ, ովքեր ամենևին չեն իմանում, թե ինչ են դավանում: Իսկ ովքեր ջանում են աւտուծո մասին ճշմարիտ հավատքը դավանել, նրանք եթե նույնիսկ նախապաշարված լինեն, չեն համառում հին շարափառության մեջ մնալ, ոչ էլ սիրում են պաշտպանել խաբեությունը, այլ իսկույն, կարծես լուսո շողերով, այն է բարեպաշտության խոսքով լուսավորված հոգիներով, ցանկալի են համարում նրա ցույց տված ճանապարհով ընթանալ, դուրս են գալիս իրենց անցյալում մթաղենող խավարից: Քո ներկայացուցիչների զեկուցման առթիվ (դրված մեր)՝ նամակը, ո՛վ որդյակ, որպես նախարան՝ ահա այս է ասում: Նրանք ասացին, որ պետք է մտածել ձեր այս կյանքից հեռացած կաթողիկոսի առթիվ, որ դուք, որպես մեր մեծ և աւսվածապսակյալ կայսեր հարազատ և համախոհ բարեկամները, ջանալով նրա հետ ամեն ինչում համամիտ լինել, ցանկանում եք, որ ձեր ապագա քահանայապետը ձեռնադրությունն ստանա այստեղի եկեղեցուց և աստուծո հաճությամբ նրան միայն ճանաչեք (որպես՝ կաթողիկոս)՝ մեզ հետ միասին սուրբ հոհասեղանի շուրջը կանգնող: Որովհետև աստուծո կողմից տրված պատվասիրության և շնորհքի հետ միասին, քեզ այդ էլ շնորհվեց (դու գիտես, որ խոհեմ լինելով, աստուծո ինչպիսի բարերարությանը արժանացար, բարերարություն, որի ապացույցներից մեկն էլ այն է, որ այդպիսի միտք հղացար, որ բոլոր հարցերում համամիտ լինես մեր աստվածապահ կայսեր): Քեզ մնում է այստեղ ուղարկես աստուծո համաձայնությամբ (առաջադրե-

վելիք) ձեր ապագա քահանայապետին, որպեսզի (նա) ստանա բարեպաշտության առավել ճշգրիտ դավանանքը, լինելով մեզ հետ ինչքան ժամանակ որ նա ցանկանա, ծանոթանա բարեպաշտության հարցերին և եկեղեցական իրավիճակին, որից հետո, արժանանալով ձեռնադրության, վերադառնա ձեր պայծառափայլ ազնվությանը, ձեր իշխանության լիության։ Այնպես, ինչպես բարեկամության խոստովանությամբ դու մերձավոր ես մեր քրիստոսասեր կայսեր և աստուծո սրբազնագույն մեր եկեղեցուն, ապա նմանապես անհրաժեշտ է, որ դու անքակտելիորեն կապված լինես հավատո խոստովանության և ուղղափառ դավանանքին։ Այնպես չլինի, ինչպես մինչև այժմ (չգիտեմ ինչպես շարը մուտք է գործում և կարծես բարեկամանում ենք, բայց հեռու ենք կանգնում հավատո հաղորդությունից)։ Այդ հարցի կապակցությամբ մեր սրբազնագույն պատրիարք Փոտր քիչ աշխատանք շտարավ, և՛ խոսքով և՛ պատվիրակներ ուղարկելով, բայց իրերի խառնակ սրությունը խանգարեց հարցի լուծմանը։ Բայց ավելի շուտ, ինչպես վերևում ասացի, այդ մեղքերը, որոնց մասին գիտե աստված, իրենց գոյությունը պահպանեցին մինչև քո ժամանակ դրա համար, որպեսզի երևա, որ աստված այդ գործում ևս քեզ է պատվասիրում։

Ո՛վ մեր ցանկալի որդյակ, ինչպես մի քիչ առաջ ասացի, աստված քեզ ներշնչեց այդ միտքը, որա համար մի հապաղիր ուղարկելու քո մեծապատվության և ձեր եկեղեցու մեծամեծների կողմից առաջ քաշված քահանայապետության թեկնածուին, որպեսզի նա էլ ստանա այն, ինչից զրկված լինել օրենք չէ։ Եվ աստուծով ձեզ ասել, որ նրա քահանայապետական վերակացության հետ միասին մերձեցում կլինի աստուծո հետ, քանզի աստուծուն բարեպաշտությունից մոտիկ բան չկա։ Իրա հետ միասին միանգամայն ապահով կլինի նաև միությունն ու համախոհությունը մեր վեհ և մեծ կայսեր հետ, ինչպես հնազանդության ու փոխհարաբերությունների հարցերում, այնպես էլ բարեպաշտ դավանանքի միօրինակության։ Համենայն դեպս դու համոզված ես, որ հավատքի հարցում մինչև օրս հայոց տարածայնությունը աստուծո մեր սուրբ եկեղեցու հետ հակոտնյա է ուղղափառ քարոզչության, առաքելական ու աստվածային վարդապետության։ Արդ, եթե քո ճշմարտախոհությամբ դու մտադիր ես քեզ և քո ժողովուրդը մեզ միացնել, ամեն ինչում համախոհ լինել մեզ, այլ կերպ մի վարվիր, ոչ էլ հապաղիր ձեր ապագա, ի զարդարումն ձեր սուրբ եկեղեցվո՝ սուրբ հոգու որոշմամբ ընտրված քահանայապետին մեզ մոտ ուղարկելուց։

Մաղթում ենք քեզ ողջ լինել ի տեր, պահպանված, հեռու ամենայն շարիքից և հակառակությունից, հակառակություն, որ վրա է հասնում տեսանելի կամ անտեսանելի թշնամիներից։